

Pitanja identifikovana od strane učesnika Skupštine građana Mostara, 17.7.2021. godine

Za Opštinu Veles, Sjeverna Makedonija:

1. Kroz koje fondove Opština Veles finansira mašine i opremu za održavanje i čišćenje javnog prostora?

Opština Veles osnovala je javno komunalno preduzeće "DERVEN".

Mašine i oprema se uglavnom finansiraju kroz ovo preduzeće, a sredstva se prikupljaju kroz račune koji građani plaćaju: za vodu, odvoz i upravljanje otpadom, brigu o zelenilu itd. Tri vozila su nabavljena u okviru projekta finansiranog kroz Instrument pretpristupne pomoći Evropske unije.

2. Kroz koje fondove Opština nabavlja kontejnere za različite vrste otpada i podzemne kontejnere?

Opština Veles finansira kontejnere za različite vrste (uključujući i podzemne kontejnere) kroz opštinski budžet, a u okviru Godišnjeg Programa aktivnosti u oblasti zaštite životne sredine.

Za VOKA Snaga, Ljubljana, Slovenija:

1. Na koji način se komunalno preduzeće finansira u Ljubljani? Da li kroz godišnji proračun grada, a ukoliko da, koji procenat budžeta je alocirano za ove svrhe? Kojim sredstvima se došlo do kontejnera za selekciju otpada i podzemnih kontejnera?

Usluge upravljanja otpadom

Javno komunalno preduzeće je 100% u vlasništvu opštine, ali usluge upravljanja otpadom (prikupljanje, prijevoz, obrada otpada itd.) se ne finansiraju iz gradskog proračuna. JP VOKA Snaga izdaje mjesečne račune svim korisnicima (svakog mjeseca izdajemo otprilike 70 hiljada računa) i na taj način finansiramo i upravljamo cjelokupnim ciklusom upravljanja otpadom na teritoriji koja se opslužuje.

Putem računa korisnici ne plaćaju samo uklanjanje otpada, već i druge usluge: zamjenu oštećenih kanti, rad podzemnih kontejnera, rad sabirnih centara i javnih sakupljališta otpada, tzv. prikupljanje i odvoz kabastog otpada, prikupljanje opasnog otpada, prerada miješanog komunalnog i biološkog otpada i odlaganje ostatka prerađenog otpada itd.

Prosječni mjesečni račun po domaćinstvu iznosi 11,23 €. Cijene usluga izvedene su iz detaljnih studija cijena (razrađene) i vrijede za jednogodišnje obračunsko razdoblje.

2. Na koji način se došlo do sredstava za finansiranje nabavke tehnike, mašina i opreme za održavanje i čišćenje javnog prostora?

Održavanje i čišćenje javnih (i zelenih) površina

JP VOKA Snaga održava i čisti javne površine u skladu s programom implementacije Grada Ljubljane i u okviru predviđenog godišnjeg proračuna Grada Ljubljane. Javno komunalno poduzeće i Grad također potpisuju godišnji ugovor o održavanju i čišćenju javnih (zelenih) površina u Gradu Ljubljani.

3. Na koji način građana mogu vršiti pritisak na gradske vlasti da bi se postupalo u skladu zakonske regulative?

Grad Ljubljana uspostavio je nekoliko kanala za komunikaciju s građanima. Građani mogu dijeliti svoje komentare, neslaganja, inicijative, prijedloge, primjedbe itd. Putem WebPortal servisa za građanske inicijative i „dana otvorenih vrata gradonačelnika“.

Usluga WebPortal za građanske inicijative dostupna je putem službene web stranice Grada Ljubljane (www.ljubljana.si) i dostupna je svima bez prethodne registracije. Nije potrebna precizna identifikacija; građani stoga mogu zadržati svoju anonimnost koristeći pseudonim. Kad Ured zaprimi odgovor profesionalnih službi gradske uprave (u prosjeku u roku od 3 dana, najkasnije 8 dana), odgovor se objavljuje pod početnom inicijativom i vidljiv je svim korisnicima Usluge. Cjelokupna arhiva inicijativa i odgovora od datuma početka usluge također je dostupna javnosti.

Dani otvorenih vrata gradonačelnika održavaju se dva dana u mjesecu. Sva pitanja i prijedlozi građana prosljeđuju se nadležnim stručnim službama opštine i / ili nadležnim javnim institucijama i javnim preduzećima prije Dana otvorenih vrata.

Dakle, stručno mišljenje je već dostupno gradonačelniku tijekom razgovora s građaninom. Te su vrste razgovora izuzetno učinkovite. Nakon rasprave, mišljenje gradonačelnika šalje se natrag nadležnom odjelu, koji daje konačnu ocjenu rješenja ili realizacije prijedloga građana na temelju mišljenja gradonačelnika i stručne ocjene. Cijeli postupak prati Ured, koji građanima daje i konačni odgovor.

Naravno, postoje i inspekcije na nacionalnoj (Inspektorat za okoliš i prostorno planiranje) i opštinskoj (Gradska inspekcija) razini. Njihove su glavne zadaće nadzor nad poštivanjem i provedbom propisa utvrđenih nacionalnim / opštinskim zakonodavstvom. Građani im mogu prijaviti bilo kakve nepravilnosti u vezi s provedbom zakonskog okvira.